

Dar naüge Konsildjo

Due le liste in gara alle comunali di Lusérn, "Lusérn in hèrtz" guidata da Gianni Nicolussi Zaiga e "Huamat" con candidato sindaco Davide Nicolussi Moz. Dall'urna esce vincitore Gianni Nicolussi Zaiga la cui lista totalizza 119 voti mentre 73 voti ottiene la lista "Huamat".

Alln vümf djar in alle di kamoüdar khemmenda vornaügart di Konsildje un asó atz 20 un 21 von herbestmānat di lusérnar o soin gānt zo votāra. Atz Lusérn soinda gest zboa liste: Lusérn in hèrtz un Huamat; d'earst hatt gehatt alz kandidāt pürgermaister in Gianni Nicolussi Zaiga un d'āndar in Davide Nicolussi Moz. Atz Lusérn hāmda rēcht zo votāra 209 laüt, residenti in lānt un 61 lusérnar boda lem auz von Beleschlānt un boda soin inngeschribet all'AIRE. Vo dise soinda gānt zo votāra 196 lusérnar.

'Z hatta gebünnt di lista Lusérn in hèrtz pitt 119 vote; di lista Huamat hattar gevānk 73, dena soinda gest 3 skēde pitt vote nēt validi un a baiza.

Pürgermaister vo Lusérn iz est dar Gianni Nicolussi Zaiga un vodar lista Lusérn in hèrtz barta gian in Konsildjo von Kamòu dar Luigi Nicolussi Castellan (39 vote), dar Giacomo Castelletti (32 vote), dar Matteo Nicolussi Castellan (29 vote), dar Giorgio Nicolussi Castellan (21 vote), di Nadia Nicolussi Paolaz (13 vote) un di



Katia Nicolussi Moz Chelle (12 vote). Vor di lista Huamat barta gian in Konsildjo dar Davide Nicolussi Moz (kandidāt pürgermaister), dar Andrea Zotti (22 vote), di Elena Nicolussi Golo (21 vote) un di Giulia Nicolussi Castellan (18 vote). In gelāich tage di laüt hām gemak votārn zo ledrenra in nummar von parlamentér o. Saiz atz Lusérn azpe in Beleschlānt hāmda gebünnt di laüt boda bölln ledrenarn in nummar von parlamentér un asó pittar āndar legislatura di senatör

bartn pasārn vo 315 att 200 un di deputèt vo 630 att 400.

Atz Lavròu soinda gest drai liste; gebünnt hatta dar "alt" pürgermaister Isacco Corradi pittar lista "Uniti per Lavarone", pitt 408 vote, di lista "Lavarone obiettivo comune" pitt Claudio Stenghele alz kandidāt pürgermaister hatt gevānk 321 vote un di lista "Siamo Lavarone" pitt kandidāt pürgermaister in Karl Birti, hatt gevānk 54 vote. E.v.K.

Istituto Cimbrio
Kulturinstitut Lusérn
Tel. 0464-78.96.45
info@kil.lusern.it
www.istitutocimbrio.it



Mèldung/Avviso

Lirnen ren un schraim Azpe Biar

Bar machan bizzan ke dar Kultürinstitut lekk au zboa kürs zo lirna ren un schraim Azpe Biar: stèpfl B1 un stèpfl B2.

Dar kurs von stèpfl B2 bart khemmen gimacht alle di vraitā vo di zboa atti drai un a halbez in tages un dar stèpfl B1 bartze haltn, hèrta di vraitā, vo di achte un a halbez abas fin di zene.

Innozschraibase tüat ārūavan in Kultürinstitut Lusérn attn nummar 0464 789645 odar schraim att: info@kil.lusern.it

Si informa che sono aperte le iscrizioni ai corsi di cimbro, livello base (B1) e livello avanzato (B2).

Le lezioni si terranno nelle giornate di venerdì, dalle 14,00 alle 15,30 per il livello B2 e dalle 20,30 alle 22,00 per il corso livello B1.

Gli interessati sono invitati a comunicare il proprio nominativo telefonando o inviando una mail all'Istituto Cimbrio - Kulturinstitut Lusérn (0464 789645 - e-mail: info@kil.lusern.it).

Kurs vo teatro

Dar KIL macht bizzan ke 'z barta āhevan a kurs vo Teatro gehozt "Andate e Ritorni: Storie di un'isola che c'è". A bèrkstätt vo teatro bodase bart haltn vo est vort fin in Kristmānat un boda geat zo kontāra di stōrdja von auzlendar vo Lusérn boda soin vortgānt von lānt zo süacha arbat un boda, an lestn, soin gekheart bidrūmm in soi lānt. Zoa zo tūanaz dar KIL iz nā zo süacha laüt.

Zo bizzasan mearar un innzoschraibase tüat ārūavan in KIL 0464-789645.

"Andate e ritorni" è il nome del corso di teatro che l'Istituto Cimbrio intende organizzare, per saperne di più basta chiamare il 0464 789645.



Dar pèrge voll pitt laüt

Il Lock-down causato dalla pandemia da Coronavirus, che ha caratterizzato l'intera primavera di questo 2020, ci ha segnato e ha cambiato le nostre abitudini. Infatti, la meta principale di ragazzi, famiglie ed anziani, in quest'estate appena conclusa, è stata la montagna, presa letteralmente d'assalto.

Dar summar vor disan zboatausankhunzbuantzekh iz gesichart vor alle üsāndarn a sachan boda iz gebèsklt saugante ā di vorgānatn djar.

Dòpo dar zait boda disan lāngez iz gest allz augespèrrt, un verte di zait boda dar beata hatt getrofft daz meararste von laüt vodar bèlt auz pan lestn vo madjo, laise laise hattz āgeheft zo drena a pizzle pezzar.

Naüge regln soinz khent gètt, ma mocht auhaltn a tuach atti nas un atz maul in alle di luak bomase trèfft panāndarn, ma mocht haltn an mètro un an halm tra di laüt un tūan vil āndre sachandarn.

Disa zait hattaz sichar gemercht vor hèrta, ānka azparda soin nonet auz gāntz, un di sachandar bobar hām hèrta getānt pan summar soin sichar gebèsklt.

Dar summar iz hèrta gest di zait boda di laüt von stattn un von teldarn soin hèrta inkānt vo soin haüsar zo giana atz mer. Lai an khlumman toal iz gānt zo pèrge un lai vor biane tage.

Haür di lentar von pèrng soin gest voll pitt laüt, di laüt soin gest bohrāll un iz gest asó malamēntar mang nāstian alln. Ditzā

umbrōmm dar pèrge iz an offegar platz boma mage stian in vrisch air, stianante ummaz bait von āndarn ma, in da listéssege zait, stianante panāndar o, un o umbrōmm di laüt hām bidar āgeheft zo süacha di khlumman un lustegen sachandarn vonar bōtta. Di famildje hām augevüllt di ünsarn beldar, lirnante soin khindarn bia zo tūana zo süacha di sbemm, un zoaganten di ünsarn vichar, kapardjōln un kamütz boma sek gianante nā in staige von lāngez, di murmentln gianante nā in tritt von per, di adlar un di kre gianante attn staige vodar Rendola.

Daz sèll boda daz meararste iz gebèsklt saugante ā di āndarn djar, affon pèrge un in ünsar lānt, iz ke di djungen soin zuarkhent zo maga gian au pa pèrng un in di beldarn un dena auzohaltase èzzante eppaz un zo rasta in di khesarn von pèrng anvétze baz zo giana atz mer.

I gloabe lai ke verte disa stadjōng, ānka az iz gest gāntz guat vor alle, barta soin di zait zo schauga bia ma mage no tūan zo pezzar vor ünsar lānt umbrōmm bar hām no vil zo maga opfarn in laüt stianante alle panāndar āna zo zagattra.

Michele Neff

Lem atz Lusérn

A molte persone vivere in un paesino piccolo come Luserna potrebbe sembrare noioso, a volte addirittura triste, ma chi vive qui o chi viene spesso sa che non è così.

Ci si affeziona alle piccole cose, ai posti tranquilli, alle poche persone che vivono qui tutto l'anno e a molto altro.

Si impara ad amare ogni piccola cosa, anche negativa, della vita nel nostro paese semplicemente perché fa parte di essa e cambiandola non sarebbe più la stessa cosa.

Vil laüt khōn ke an stroach bosa khemmen atz Lusérn böllatnsa neméar vortgian.

Da ka üs gevālltz prōpio alln, in laüt boda khemmen vo vort, in laüt boda soin

gebortet da un est lem vort, in laüt boda khemmen pan bintar zo raita un in sèlln boda khemmen pan summar o.

Prōpio asó, Lusérn auz pa djar, daz meararste vo allz ka herbest iz hèrta ler.

Durānte dar boch, von herbestmānat/setémbre vort, soinda lai di djungen boda gian ka schual un di laüt boda lem da daz gāntz djar odar khemmen lai z'arbata.

Di laüt khemmen di solito di sántzta un di sunta fin azta iz verte dar mānat vo bimmat/otōbre, fin in tage von toatn, dòpo khinta quasi neméar niamat in gāntz bintmānat/novembre.

'Z lem da atz Lusérn in di sèlln zaitn iz allz monotono un a pizzle traure.

Ma geat ka schual odar atti arbat, kheart bidrūmm da huam, geat z'slava un bidar gelāich di gāntzan tang.

I però bèsklat nicht vo allz ditza, sichar 'z berat pezzar azta durānte 'z djar o beratnda moine tschelln, ma ditza iz Lusérn un asó o gevālltzmar.

Ka herbest geatma ummar pa beldar, ma sek tausankh varm, di löapar boda valln, di kapardjōln boda khemmen auz in di bisan zo vrèzza daz lest vrischez grass in di rue.

Pan bintar makma gian zo raita di gāntzan tang, nidar un au pan ünsarn schümman piste, fermārnsē zo trinkha eppaz barm un bidar partirn.

Dòpo khinta dar Martzo, boma vairt ke 'z izta bidar nā zo khemma dar lāngez.

'Z heft bidar ā zo macha barm, ma mak gian auz ena rock un di tang hevan ā zo khemma lengar.

'Z iz schümman mang bidar auzgian abas zo macha a khear balda no iz a pizzle liacht fin au atz Kraütz odar au atti Ris.

Un èkko ke 'z iz lai summar, di laüt khearn bidrūmm, di sunn iz bidar hoach in hümbli, di tang soin lengar un allz parirt mearar luste un bidar lente.

Anna N. N.



Bisele, settembre 2020